



Waak teen gemaklike geloof

Teken in om 'n skakel na blitspos te ontvang

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Sondag 22 Augustus 2021 herdenk ons in die Kerk Bartolomeusnag van 1572, en ons onthou die woorde van Tertullianus (ongeveer 155 nC tot 220 nC): *Die bloed van die martelare is die saad van die kerk.*

Elke dag word 13 Christene wêreldwyd vermoor weens hul geloof, 12 kerke of Christelike geboue word aangeval en 12 Christene word onregverdig gearresteer of opgesluit, terwyl nog vyf ontvoer word. Dit is volgens die jaarverslag van die Wêreldwaarnemingslys vir 2021 wat deur Geopende Deure opgestel is. 'n Mens wil aanneem dat daar waar gelowiges ly, dit tot gevolg het dat die kerk doodgaan, dat Christene stilbly en hul geloof verloor, maar die verslag wys verrassend op die teendeel. Die Christendom brei juis in daardie lande uit.

In die verslag word uitgewys dat daar 309 miljoen Christene woon op plekke met “baie” of “uiterste” vervolgingsvlakke. Dit is 260 miljoen meer as dié van verlede jaar. As jy die somme maak, beteken dit dat een uit elke agt Christene wêreldwyd vervolgd word.

Hier in Suid-Afrika beleef ons eintlik glad nie dieselfde spanning en ongemak wat van ons medebroers en -susters op ander plekke in die wêreld beleef nie. Alhoewel baie kerkgeboue toe was in hierdie tyd, die ekonomie onder druk is, die pandemie voortwoed, gaan Christene en geloof ongestoord voort. Meer nog, daar het dalk 'n groot gemak rondom die uitleef van geloof ingetree. Gelowiges kan in die veiligheid van hul sitkamers duisende preke en boodskappe kry. Daar is soveel kerke om van te kies en te keur. Ons beleef in 'n groot mate godsdiensvryheid. Geloof het “maklik” geword.

Die woord vir getuie (*martus*) in die Bybel is dieselfde woord vir martelaar. In die vroeë kerk was vervolging amper 'n noodwendige gevolg wanneer gelowiges getuig het van die Goeie Nuus. Dit het ingrypende gevolge gehad. Dit kon jou dikwels jou lewe kos. Dink maar aan Stefanus (Hand 7) en later Petrus en Paulus. Die skare van martelare in die vroeë kerk is legio, wat mense soos Polikarpus, Ignatius en Justinus insluit. Christene het baie onder sosiale druk verkeer om deel te neem aan die aanbidding van die gode en die keiserkultus. Wanneer 'n gelowige in die eerste eeu nie wou saampraat met die wêreld se belydenis: *Kurios Kaisar* (die Keiser is die Here) nie, maar eerder bely *Kurios Christos* (Christus is die Here), het dit hom of haar iets gekos. Daar was 'n prys te betaal vir jou geloof.

In die vierde eeu het die Christene al hoe meer mag gekry toe keiser Konstantyn tot die Christendom bekeer is. Hoewel die kerk toe indrukwekkend uitgebrei het, skatryk geword het en die wêreld ekonomie en politiek begin beheer het, was dit nie goed vir die kerk nie. Ook die evangelie van Jesus Christus het daaronder gely. Die kerkgeskiedenis leer ons dat die beste tye van diepgang en groei in die kerk die tye was toe dit swaar gegaan het.

Daarom dat 1 Petrus 3: 15 ons oproep: *In julle harte moet daar net heilige eerbied wees vir Christus die Here. Wees altyd gereed om 'n antwoord te gee aan elkeen wat van julle 'n verduideliking eis oor die hoop wat in julle lewe.*

Mag die geloof van die martelare waaraan ons hierdie komende Sondag rondom Bartolomeusnag aandag gee, ons aanvuur tot 'n brandende en kompromielose liefde vir die Here. Mag ons soos ons voorgangers in die geloof in die voetspore van Christus volg en ons kruis opneem en van die Hoop getuig.

Mag die Here ons seën met 'n ongemaklike geloof.

Lief en leed



Oudl Jan Snyman

- **Mev Elna Breedt**, vrou van ds HJM (Hennie) Breedt (emeritus), is Donderdag 12 Augustus oorlede. Die egpaar was woonagtig in Boshof. Ons innige simpatie gaan aan ds Hennie en hul familie.
- **Oudl JHH (Jan) Snyman** van Gemeente Kempton is Maandag 16 Augustus oorlede aan Covid-verwante komplikasies. Oudl Jan was lank die kassier van Gemeente Kempton en was ook 'n sekondus ouderlingslid van die Kommissie van die AKV. Ons innige simpatie gaan aan die familie.



Ds Eksteen Botes se bevestiging in Gobabis

- **Mev FJ (Driekie) Viljoen** (89), weduwee van ds JA (Koos) Viljoen wat in 2013 oorlede is, is Dinsdag 10 Augustus oorlede na 'n beroerte. Ons innige simpatie gaan aan mev Viljoen se familie.
- **Ds MCE (Eksteen) Botes** (emeritus en voorheen van Nelspruit) is Sondag 15 Augustus in Gemeente Gobabis bevestig. Die bevestiging is waargeneem deur ds Milankie van der Walt. **Op die foto** staan ds Botes en sy vrou, Helene, tussen di Bernie en Milankie van der Walt.



Dr Lerato Mokoena

- **Dr Lerato Mokoena** (29), 'n voormalige student van die MRCC aan die Afrika Instituut vir Missiologie (AIM), is met ingang van 1 Augustus 2021 as lektor aangestel in die Fakulteit Teologie en Religie aan UP. Dr Mokoena is opgeneem in *Mail & Guardian* se lys van Top 200 Jong Suid-Afrikaneers in die Onderwyskategorie, en Avance Media se Top 100 Invloedrykste Jong Suid-Afrikaneers vir 2020. Sy is nou 'n Jakes Gerwel-genoot, en sy mentor matrikulante wat opvoeders wil word.
- **Die volgende predikante verjaar tot 27 Augustus 2021, en word hartlik geluk gewens:**
 - Donderdag 19 Augustus: Dr CJ (Christo) Viljoen (89) (emeritus), di JD (John) Putter (68) (emeritus) en HF (Hennie) la Grange (61) (Kampersrus)
 - Vrydag 20 Augustus: Ds MM (Marike) van der Merwe (43) (beroepafwagting)
 - Sondag 22 Augustus: Ds WH (William) Harmse (59) (Alberton-Wes)
 - Donderdag 26 Augustus: Dr C (Chris) le Roux (64) (Stellenbosch/Worcester) en ds JJ (Joseph) Steyn (39) (Klerksdorp-Oos Mōrester/Orkney)
 - Vrydag 27 Augustus: Prof JH (Johan) Koekemoer (86) (emeritus)

Gemeentes en bediening



Dr Piet Steenkamp

- **Die Sinodale Dienssentrum is steeds gesluit. Alle personelede werk van die huis af en kan op hul selfone of via 012 322 8885 bereik word.**
- **Dr PL (Piet) Steenkamp** (emeritus) het 'n deelydse beroep ontvang na Glencoe.
- Gemeentes het reeds e-posse ontvang met inligting oor in watter maand hul **boeke ingestuur** moet word **vir audit**. Ons versoek vriendelik dog dringend dat die boeke wat geskeduleer is vir die verskillende maande **tot en met Augustus 2021**, nou ingestuur moet word. Die gemeentes wie se **eksterne audits** afgehandel is, moet asseblief ook hul **finansiële state instuur** of e-pos na ria@nhk.co.za sodat dit so gou moontlik op die stelsel ingevoer kan word.
- **Spesiale deurkollekte vir die Bybelgenootskap van Suid-Afrika.** Soos aanbeveel deur die Kommissie van die AKV, vind die jaarlikse deurkollekte vir die BSA vanjaar plaas op **Sondag 22 Augustus**. Dit staan bekend as **Bybelsondag**. Die datum is vervoeg omdat Hervormingsondag (31 Oktober) te naby aan die einde van die BSA se finansiële jaar is en die bydraes dan nie betyds inbetaal kan word nie. Gemeentes word dus versoek om die deurkollekte van Sondag 22 Augustus so gou moontlik daarna aan die Bybelgenootskap oor te betaal.



- **Vakante werkruinte vir die samewerkende kerke in Harare.** Die NHKA en die NGK in Harare funksioneer sedert 2019 as een gemeente. Dit is 'n tipies stedelike gemeente en bestaan hoofsaaklik uit ouer persone. Daar is ook lidmate wat buite die stedelike gebied woon. Die **vastetermynpos vir drie jaar** kan met wedersydse instemming verleng word. Aansoeke word ingewag van 'n **tweetalige predikant** wat gelegitimeer is in die Hervormde Kerk of die NG Kerk (eredienste word om die beurt in Afrikaans en Engels gelei). Aangesien die skoolopleiding in Zimbabwe geweldig duur is, moet predikante verkieslik nie skoolgaande afhanklikes hê nie.

Die **vergoedingspakket** beloop 'n leefbare inkomste in Zimbabwe, plus gratis verblyf in 'n gemeubeleerde pastorie (insluitende sekuriteit, telefoon, data, water, ligte en 'n bediende) en gratis gebruik van 'n gemeentevoertuig.

Aansoeke moet vergesel wees van 'n verkorte CV met vermelding van die kontakbesonderhede van twee referente, en moet gestuur word na njssteenekamp@gmail.com. Vir meer inligting, kontak die konsulent van die Hervormde Kerk, ds Nicolaas Steenekamp, by 073 279 3315 (RSA); of NHKA oudl Rinus Grau by +263 71 261 1536; of NGK oudl Deon Theron by +263 77 224 6233.

Vergaderings

- Donderdag 26 Augustus: Pensioenvergaderings
- Vrydag 27 Augustus: Raad van Finansies

Toerusting



Hellige veerkragtigheid – hoop vir 'n getraumatiseerde gemeenskap
VTT/VTK 2021

- Gevorderde opleiding in die *Community Resiliency Model (CRM)*
- Aanbieders: Sorika de Swardt en span
- Aanbieding (Zoom of fisies) sal bevestig word

Voldag
 27-30 September 2021
 Koste
 R1 000

Kontak dr André Ungerer by 082 940 8201 of andre.ungerer@up.ac.za om inskrywing te bevestig

'n Gedig

Dowemansdeur

Voor dowemansdeur het ek aangeland
 op my eentjie, en wat moet ek doen –
 asof in die ban van 'n groot misverstand
 met jou agteloosheid my versoen?

Liefde gaan met bepaalde gevoelens gepaard
 én met handeling wat daarby hoort:
 wanneer dade opeens tot 'n nulpunt bedaar
 duur gevoelens nog vorstelik voort.

Om voor dowemansdeur iets ondoofbaars te red
 luister, ook namens jou, luister ek net.

Elisabeth Eybers

(Uit: *Tydverdryf / Pastime*, 1996)

Barmhartigheid

- Die NHSV Hoofbestuur herinner takke aan die **vrywillige uitbetalings** wat gewoonlik gedurende Augustus gedoen word. Die **riglyn vir die Augustus-uitbetalings** is dat 'n tak moet probeer om 33% van haar inkomste, nadat die Mei-uitbetalings afgetrek is, aan die Hoofbestuur oor te betaal. Die ander 67% kan volgens eie diskresie aan u gemeente en gemeenskappe se barmhartigheidswerk bestee word. Onthou asseblief dat oorbetalings aan plaaslike instansies soos tehuise van bejaardes direk aan die instansies oorbetaal moet word vanuit u tak – u stuur dus 'n aparte betaling direk aan hulle. Indien u tak weens omstandighede ook nog nie Mei se betalings gedoen het nie en u in staat is om dit wel te doen, kan u dit oorweeg om dit ook nou te doen, indien moontlik. **Bankdeposito's of elektroniese oorbetalings** kan gedoen word. E-pos asseblief die betaalstaat en 'n afskrif van die elektroniese oorbetalings na finansies@nhsv.org.za.



- Rata Maatskaplike Dienste se Drive for a Child-gholfdag** wat geskeduleer was vir 24 Augustus 2021, is weens Covid met al sy beperkinge uitgestel tot **26 Oktober 2021**. Hierdie gholfdag vind steeds by Silver Lakes-gholfbaan in Pretoria plaas. Die fondse wat ingesamel word, is ten bate van elke kind wat tans deur Rata ondersteun en gehelp word.
Koste: R4 400 (Vierbal) – gholfkarretjies, halfweghuise, aandete, *goodie bags* ingesluit
Putjieborg: R2 500
Vierbal met putjieborg ingesluit: R5 500
Navrae: Charmaine Fourie charmaine@rata.org.za / 071 684 7796
- Athalia Uitreik in Bloemfontein**
Verblyf vir en versorging van bejaardes en gestremdes
Enkel- en dekkamergeriewe in 'n huislike atmosfeer
Verblyf met 3 etes ingesluit
Verblyf sonder versorging R1 700 per maand
24-uur-versorging onderhandelbaar
(maksimum R8 000 per maand dekkamer)
Navrae: 079 826 6363 / 084 023 0315 / 051 522 6089
navrae@athalia.co.za
www.athalia.co.za
- Machteld Postmus-behuisingskompleks vir bejaardes** in Brooklyn, Pretoria, het 'n **tweeslaapkamer-woonregeenheid** beskikbaar by Frans Boshoff: Dit is Woonstel 3 teen R485 000. Kontak mev Hannelie Fourie by 012 325 1857 x216 vir meer inligting.
- Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakke bejaardes teen R9 760 per maand. 'n Volledige versorgingsfasiliteit



sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.

- **Seniordal-aftreeoord**
Kieserstraat 126, Rietondale
Een enkelwoning te koop teen R510 000
Een eenslaapkamerwoning te koop teen R515 000
Een 1½-slaapkamerwoning te koop teen R520 000
Een tweeslaapkamerwoning te koop teen R560 000
Een tweeslaapkamerwoning te huur teen R6 500 per maand
Navrae: Beulah du Plessis by 082 847 9544
Seniordalpta@gmail.com



Fondsinsamelings

- **Gemeente Oos-Londen: Word 'n affiliaal van Nguni Gifts**
Verdien 2- tot 7%-kommissie
Befonds jul gemeente se bediening deur verwysings
Stuur 'n e-pos of WhatsApp-boodskap om jul gemeente aan te sluit
larry@nguni-gifts.co.za
WhatsApp 072 020 8911

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Liefdevolle en altyd teenwoordige God,
ons glo dat u genade voldoende is vir alles.
Troos ons opnuut deur u teenwoordigheid.
Versterk ons in ons swakheid,
vertrou ons in ons smart,
maak ons verstandig wanneer ons onkundig is.
Beskerm ons en lei ons
sodat ons kan weet watter pad ons moet loop,
en help ons om by elke kruispad in ons lewens
die regte besluit te neem.
Bewaar ons deur u krag,
ondersteun ons met u deernis,
en beskut ons met u liefde.
Deur u Goddelike genade,
help ons om te doen wat reg is,
help ons om moedig op te tree,
om ons naastes lief te hê,
en ons teenstanders te vergewe.
Deur u genade, seën ons
in die Naam van ons Heer, Jesus Christus.
Amen.

UAB: The University of Alabama at Birmingham
www.uabpastoralcare.org/patients/prayers/

(Afrikaanse weergawe: Tessa Oppermann)